

vnd nach dem Leich gangend sie wider in den See/ auch gehen sie aus
dem See in das Lawasser vnd wollen nicht zugeben daß die Salmen
oder Lächs in das Lawasser gehen. Von disem Geschlecht der Forenen
etwas weiters in dem nachgehendern Capitel.

Das fünfte Capitel.

Von den Fornen.

SEr See Forenen seynd vil vnd mancherley/ wie dann dieselsbi-
gen bey vns vnd anderstwo auch bey alten vnd newen Scribenten
vnderscheidliche Nämnen haben/ als grund Fornen Lachsfor-
nen Springfornen Lawasser Fornen/ bey dem Eliano *τρωπτύς*, bey
Isidoro, Varius, bey Sario, Fario. Sonsten auch Trutta magna vel
lacustris, Truta Salmonata, Amia, Aurata, bey den Frankosen Trutte
Saulmonee, Rondel, heiss ihne Salmonem lacustrem Ausonius aber
heisset die grosse oder Grundfornen Sarionem vnd Farionem, weyl er
vermeint er sey grösser dann die gemeinen Fornen vnd kleiner dann die
Salmen vnd mitteler grösser zwischen beeden Geschlechten. Des wegen
sagt er

Teque inter geminas species neutrumque & vtrumque.
Qui nondum Salmo nec iam salar ambiguusque
Amborum medio Sario inter cæpta sub æuo.

Gesnerus sagt auch daß man sie Lachsfornen heisse/ Item daß sie aus
den Seen in die Flüß gangen als dann heist man sie auch Eylancken/
solle disen vnderscheid von dem Salmen haben/ daß er kleiner vnd auff
den seiten vil mehr purpurfarbe flecken habe dann der Salm vnd be-
schreibt ihne weiter also. Mit aller Gestalt/ Farb/ Flecken/ Fleisch
vnd Natur seynd sie dem Salmen ganz gleich/dß sie Seesalmen möch-
ten genennet werden/ welche zu mercklicher größe kommen/ an etlichen
Orthen zu Zeiten aussi. Zentner/ bey Sitten in Wallis werden sie im
Roddan zu Zeiten gefangen die 30. Pfund gewogen haben/ 4. oder
fünff